

永樂大典

一六

卷〇三二七 瀘字

卷〇三二八 瀘字

卷〇三二九 奴字

卷〇三三〇 奴字

永樂大典卷之二千二百三十六 六模

奴

東漢書列傳南匈奴前書直言匈奴傳不言南北今稱南者明其為北生
義也以南單于向北允不故舉其順者以冠之東觀記稱匈奴南單于列
傳范華曰去其單于二字南匈奴臨落尸逐鞬單于此者臨音大牙反呼
韓邪單于之孫前書曰單于者廣大之貌也言其衆大單于然也呼韓邪
即冒頓單于八代孫虛閭權渠單于也名稽侯儁陽音山隸反東觀書曰
單于北匈奴頭曼十八代孫臣野葉頭曼即冒頓單于父自頭曼單于至
此父子相承十代以單于相傳乃十八代也烏珠留若鞬單于之子也匈奴
奴謂孝為若鞬自呼韓邪單于降後與漢親家見漢帝臨幸為孝惠之至
其子復味累單于以下皆稱若鞬南單于此以下直稱鞬也自呼韓邪後
諸子以次立至此孝父孝單于與時以北為右莫鞬日逐王都領南邊及
烏桓莫音於六反鞬音九言反下並同建武初彭寵反畔於漁陽單于與
共連兵因援權立盧芳侵入居五原東觀記芳安定人屬匈奴數于畔在

參贊芳侯之。許姓劉氏自稱西平王會匈奴。匈奴林王將兵來降參贊胡芳。因隨入匈奴。留數年。單于以中國未定。欲輔立之。遣母樓且王求入五原。與假號將軍李典等結謀。興北至單于庭。迎芳芳外倚匈奴。內因典等。故能廣昭遠郡。光武初。方平諸夏未遑外事。遣報也。至六年。始令歸德侯劉蠡使匈奴。匈奴亦遣使來獻。漢復令中郎將韓統報命。賂遺金幣。以通舊好。舊好謂宣帝和帝之代。與匈奴親。而單于驕踞。自比冒頓。冒頓匈奴單于頭曼之子也。即夏后氏之苗裔也。其先曰淳維。自淳維至頭曼。千有餘歲。冒頓當始皇之時。為鳴鑼執頭曼代立。控弦三十餘萬。強盛與諸夏為敵國。踞後無禮。害危焉。祖敬。悔呂后事。見前書。對使者辭語悖慢。前書更始二年冬。遣中郎將歸德侯劉芳。大司馬護軍休遵。使匈奴。授單于漢制。要殺單于。與驕謂通。匈奴曰。匈奴本與漢為兄弟。匈奴中亂。孝宣帝稱立呼韓邪單于。故稱臣。以尊漢。今漢亦大亂。為王莽篡位。匈奴亦出擊莽。空其邊境。今天下騷動。思漢。莽卒以敗。而漢復興。亦我力也。當復尊我。遵與相報。定距單于。終持此論。詭詞悖慢。即此類也。帝待之如初。初使命常通而匈奴數與盧芳共使北邊。九年。遣大司馬吳漢等擊之。經歲無功。而匈奴轉盛。鈔暴日增。十三年。遂寇河東。州郡不能禁。於是漸徙幽并邊人於常山。

關居廣關已東。前書代郡有常山關。上谷郡居廣縣有關。匈奴左部遂侵
韓居塞內。朝廷患之。增緣邊兵。郡數千人。大築亭候。修烽火。匈奴聞漢
求盧芳。貪得財帛。乃遣芳還。降望得其賞。而芳以自歸。為功不稱。匈奴所
遣單于復耻言其計。故賞遂不行。由是大恨。入寇尤深。二十年。遂至上黨。
扶風。天水二十一年冬。復寇上谷。中山。殺略鈔掠甚衆。北邊無復寧歲。
言緣邊之郡。無安寧之歲。初。單于弟右谷蠡王伊屠知牙師。谷音龍。蠡音羅。

以次當左賢王。左賢王即是單于儲副。單于欲傳其子。遂殺知牙師。知牙
師者。王昭君之子也。昭君字嬀。南郡人也。前書曰。南郡秭歸人。初元帝時。

以良家子選入掖庭。時呼韓邪來朝。帝勅以宮女五人賜之。昭君入宮數
歲。不得見。御積悲怨。乃請掖庭令求行。呼韓邪臨時大會。帝召五女以示

之。昭君豐容靚飾。光明漢宮。顧景紫回。竦動左右。帝見大驚。意欲留之。而
難於失信。遂與匈奴生二子。及呼韓邪死。其前闕氏子代立。欲妻之。昭君

上書求歸。成帝勅令從胡俗。遂復為後單于闕氏焉。此見知牙師被誅。出
怨言曰。以兄弟言之。右谷蠡王次當立。以子言之。我前單于長子。我當立。

遂內懷猜懼。庭會稀闊。單于疑之。乃遣兩骨都侯監領比所部兵。二十二
年。單于與死。子左賢王烏達鞮侯立為單于。復死。弟左賢王蒲奴立為單

于比不得立。既懷憤恨而匈奴中連年旱蝗。赤地數千里。草木盡枯。人畜飢疫死耗太半。三分損二。為太半。單于畏漢乘其敝。乃遣使詣漁陽求和親。於是遣中郎將李茂報命。而比密遣漢人郭衡奉匈奴地圖。二十三年。詣西河太守求內附。兩骨都侯頗覺其意。會五月龍祠。有書曰。匈奴法歲正月詣長小會。單于庭祠。五月大會龍城。祭其先。大地鬼神。八月大會蹕。謀校人畜計。蹕。音帶。又音多。因白單于言。莫鞬日逐風來。欲為不善。若不誅。且亂國。時比弟漸將王在單于帳下聞之。馳以報比。比懼遂欲所主南邊八部衆。四五萬人待兩骨都侯還欲殺之。骨都侯且到。知其謀。皆輕騎亡去。以告單于。單于遣萬騎擊之。見比衆盛不敢進。而還。二十四年春。八部大人共議立比為呼韓邪單于。以其大父常依漢得安。故欲襲其號。於是款五原塞。願永為蕃蔽。扞禦北虜。帝用五官中郎將耿國議。乃許之。其冬比自立為呼韓邪單于。東觀記曰。十二月癸丑。匈奴始分為南北。單于。二十五年春。遣弟左賢王莫將兵萬餘人。擊比單于弟莫鞬。左賢王生獲之。又破比單于帳下。并得其衆。合萬餘人馬七千匹。牛羊萬頭。比單于震怖却地十里。初帝造戰車可駕數牛。工作樓橈置於塞上。以拒匈奴。樓即樓也。釋名曰。樓無屋為樓也。時人見者或相謂曰。識言漢九世當却比。

狄地千里。豈謂此邪。及是果拓地焉。比部莫難骨都侯。與右骨都侯。率眾三萬餘人來歸南單于。南單于復遣使詣闕奉藩稱臣。獻國珍寶求使者監護。遣侍子修舊約。二十六年遣中郎將跋狁。上略反。副校尉王郁使南單于立。其庭去五原西部塞八十里。單于乃廷迎使者。使者曰。單于當伏拜受詔。單于頗望有頃。乃伏稱臣拜訖。令譯曉使者曰。單于新立。誠慙於左右。願使者眾中無相屈折也。骨都侯等見皆泣下。擗等反命詔。乃聽南單于入居雲中。遣使上書獻駱駝二頭。文馬十匹。杜預注。左傳曰。文馬。畫馬為文也。夏南單于所獲北虜莫難左賢王將其眾及南部五骨都侯合三萬餘人。畔歸去北庭三百餘里。共立莫難左賢王為單于。月餘日更相攻擊。五骨都侯皆死。左賢王遂自殺。諸骨都侯子各擁兵自守。秋南單于遣子入侍奉奏詣闕。詔賜單于冠帶衣裘。黃金璽。盤綹絞。音度。單于以衣革染綾。因以為名。則漢諸侯王制。衣綵色。綵。古絳反。又說文曰。紫青也。也。安車羽蓋。華藻駕。卿寶劍弓箭黑蹄三附馬二。黃金錦繡布萬匹。絮萬斤。樂器鼓車。榮戟甲兵飲食什器。有木之裁曰榮。又轉河東米糒二萬五千斛。牛羊三萬六千頭。以贍給之。令中郎將置安集林吏將弛刑五十人。持兵弩隨單于所處。參辭訟。察動靜。單于歲盡輒遣奉奏。送侍子入朝。

中郎將從事一人。將領諸關漢遣謁者送前侍子還單于庭。交會道路。元正朝賀。拜祠陵廟畢。漢乃遣單于使令謁者將送賜繒繡千匹。錦四端。金十斤。太官御食醬及楮橘龍眼荔枝。賜單于母及諸關氏單于子及左右賢王。左右谷蠡王。骨都侯。有功善者。繒繒合萬匹。歲以為常。匈奴俗。歲有三龍祠。常以正月五月九月戊日祭天神。南單于既內附。無祠漢帝。因會諸部議國事。走馬及駱駝為樂。其大臣貴者左賢王。次左谷蠡王。次右賢王。次右谷蠡王。謂之四角。次左右日逐王。次左右溫禺鞹王。次左右新將王。是為六角。皆單于子弟。次第當為單于者也。異姓大臣左右骨都侯。次左右尸逐骨都侯。其餘日逐且渠當戶諸官號。且音子余。及各以權力優劣部衆多少為高下次第焉。單于姓虛速題。前書曰。單于姓虛鞮氏。其國稱之曰裡鞮。以屠。匈奴謂之為裡。鞮謂子。為鞮。屠與此不同也。異姓有呼行氏須卜氏。立林氏。蘭氏。前書冒頓單于時。大姓有呼行氏。蘭氏須卜氏。三姓貴種也。四姓為國中名族。常與單于婚姻。呼行氏為左蘭氏。須卜氏為右主斷獄聽訟。當決輕重。口白單于。無文書簿頌焉。冬。前畔五骨都侯子獲將其衆三千人歸南部。比單于使騎追擊。悉獲其衆。南單于遣兵拒之。逆戰不利。於是獲詔單于徙居西河美稷。因使中郎將段邯及副校尉

王郁留西河擁護之。為設官府從事掾史。今西河長史歲將騎二千。旄刑
五百人。助中郎將衛護單于。冬。北夏罷。自後以為常。及悉復緣邊八郡。南
單于既居西河。亦列置諸部。王助為扞戍。使韓氏骨都侯屯北地。右賢王
北朔方。當于骨都侯屯五原。呼衍骨都侯屯雲中。郎氏骨都侯屯定襄。左
南將軍屯鴈門。粟籍骨都侯屯代郡。皆領部眾為郡縣偵羅耳目。偵音止
政反。雖音力賀反。猶今言探偵偵羅也。北單于惶恐。頗還所略漢人。以示
善意。鈔兵每到南部。下還過亭候。輒謝曰。自擊亡虜。莫競日逐耳。非敢犯
漢人也。二十七年。北單于遂遠。使詣武威求和親。天子召公卿廷議。不決。
皇太子言曰。南單于新附。北虜懼於見伐。故傾耳而聽。爭欲歸義耳。今未
能出兵而反。交通北虜。臣恐南單于將有志。北虜降者。且不復來矣。帝然
之。告武威太守勿受其使。二十八年。北匈奴復遠。使詣關貢馬及裘。更乞
和親。并請音樂。又求率西域諸國胡客與俱獻見。帝下三府議。酬答之宜。
司徒掾班彪奏曰。臣聞孝宣皇帝初邊守尉曰。匈奴大國多變詐。交接得
其情。則却敵折衝。應對入其數。則反為輕欺。今北匈奴見南單于來附。懼
謀其國。故數乞和親。又遠驅牛馬與漢合市。重遣名王多所貢獻。斯皆外
示富強。以相欺誑也。臣見其獻益重。知其國益虛。歸親愈數。為懼愈多。然

今既未獲助南則亦不宜絕北羈縻之義禮無不答謂可頗加賞賜略與所獻相當明加曉告以前世呼韓郅支行事呼韓單于稱臣受貢郅支單于背德被誅以此二者行事曉告之也郅支所呼韓兄名呼屠各斯自立爲單于擊走呼韓單于者也報答之辭今必有通通猶所也言報答之辭必今得所也今立橐單并上曰單于不忘漢恩追念先祖舊約欲修和親以輔身安國計議甚高爲單于嘉之往者匈奴數有乖亂呼韓郅支支自相讎隙並蒙孝宣皇帝垂恩救護故各遣侍子稱藩保塞其後郅支忿疾自絕皇澤而呼韓附親忠孝彌著及漢滅郅支元帝時郅支生殺使者谷吉都護甘延壽與副陳湯發西域兵誅斬之遂保國傳嗣子孫相繼今南單于攜衆向南款塞歸命自以呼韓嫡長次第當立而侵奪失職猜疑相背數請兵將歸掃北庭策謀紛紜無所不至惟念斯言不可獨聽又以北單于比年貢獻欲修和親故拒而未許將以成單于忠孝之義漢東威信總率萬國日月所照皆爲臣妾殊俗百蠻義無親疎服順者褒賞畔逆者誅罰善惡之効呼韓郅支是也今單于欲修和親款誠已達何嫌而欲率西域諸國俱來獻見西域國屬匈奴與屬漢何異單于數連兵亂國內虛耗貢物裁以通禮何必獻馬裘今齋雜繒五百匹弓鞬犢乳一矢四

發遣遺單于。韓音居言反。方音正。遺弓為鞬。藏箭為鞬。鞬凡即箭箠也。終四天曰終。見儀禮也。又賜獻馬左骨都侯右谷蠡王雜繡各四百匹。斬馬劍各一。尚方少府屬官作供御器物。故有新馬劍。言獻利可以斬馬。單于前言先帝時所賜呼韓邪罕瑟空侯皆敗。願復載賜。古史請載賜也。念單于國尚未安。方厲武節以戰攻為務。罕瑟之用不如良弓利劍。故未以齎言不奉待。遣也。朕不愛小物於單于。便宜所欲。遣驛以聞。帝悉納從之。二十九年。賜南單于羊數萬頭。三十一年。比匈奴復遣使如前。乃璽書報答。賜以絲繒。不遣使者。單于比立。九年薨。中郎將段彬將兵赴弔。祭以酒米。分兵衛護之。比弟左賢王莫立。帝遣使者齎璽書鎮慰。拜授璽綬。遣冠帽絳單衣三襲。童子佩刀組帶各一。童子刀。謂小刀也。說文曰。組。緹也。帶也。音古本反。又賜繒綵四千匹。令賞賜諸王骨都侯已下。其後單于薨。弔祭慰賜。以此為常。弔祭其喪者。慰其新立者。丘浮尤鞬單于莫。中元元年。年立。一年薨。弟汗立。伊伐於慮鞬單于。汗中元二年立。永平二年。比匈奴護于丘率眾千餘人來降。南部單于汗立。二年薨。單于比之子適立。臨墮尸逐侯鞬單于。適永平二年立。五年冬。比匈奴六七十騎入于五原塞。遂飛雲中至原陽。南單于擊却之。原陽。縣名。屬雲中郡。西河長史馬援赴救。虜

乃引去單于通立四年薨單于莫子蘇立是高丘除車林觀單于數月復薨單于通之弟長立湖邪尸逐侯觀單于長永平六年立時北匈奴猶盛數寇邊朝庭以為憂會北單于欲合市遣使求和親顯宗冀其交通不復為寇乃許之八年遣越騎司馬鄭眾北使報命而南部須卜骨都侯等知漢與北虜交使懷嫌怨欲畔密因北使令遣兵迎之鄭眾出塞疑有異同候果得須卜使人乃上言宜更置大將以防二虜交通由是始置度遼營以中郎將吳棠行度遼將軍事副校尉來苗左校尉閭章右校尉張圖將黎楊虎牙營士屯五原曼柏漢官儀曰文武以滿其并兵充定天下故於北虜果遣二千騎候望朔方作馬革船欲度迎南部畔者以漢有備乃引去復數寇鈔邊郡焚燒城邑殺略甚眾河西城門盡閉帝患之十六年乃大發緣邊兵遣諸將四道出塞北征匈奴南單于遣左賢王信隨太僕祭彤及吳棠出朔方高闕攻阜林溫禺犢王於涿邪山虜聞漢兵來急度漢去形棠坐不至涿邪山免以騎都尉來苗行度遼將軍其平北匈奴入雲中遂至魚陽太守廉范擊卻之詔遣使者高弘發三郡兵追之無所得建初元年來苗遷濟陰太守以征西大將軍耿秉行度遼將軍時阜林溫禺

犢王復將衆還居涿邪山。南單于聞知。遣輕騎與緣邊郡及烏桓兵出塞擊之。斬首數百級。降者三四十人。其年南部苦蝗大飢。肅宗稟給其貧人三萬餘口。七年耿東遷執金吾以張掖太守鄧鴻行度遠將軍。八年北匈奴三木樓皆大人稽留斯等率三萬八千人。馬二萬匹。牛羊十餘萬。款五原塞降。元和元年。武威太守孟雲上言。北單于復願與吏人合市。詔書聽雲遣驛使迎呼慰納之。北單于乃遣夫且渠伊莫訾王等。且言于余反。下並同。驅牛馬萬餘頭來與漢賈客交易。諸王大人或前至。所在郡縣為設官邸賞賜待遇之。南單于聞。乃遣輕騎出上郡。遮略生口。鈔掠牛馬。驅還入塞。二年正月。北匈奴大人車利涿兵等亡來入塞。凡七十三輩。將北虜衰耗。黨衆離畔。南部攻其前。丁零寇其後。鮮卑擊其左。西域侵其右。不復自立。乃遠引而去。單于長立。二十三年薨。單于汗之子宜立。伊屠於閭鞮單于。宣元和二年立。其歲單于遣兵千餘人。獵至涿邪山。率與北虜溫禺犢王遇。平音七忽反。因戰獲其首級而還。冬孟雲上言。北虜以前既和親。而南部復往鈔掠。北單于謂漢欺之。謀欲犯塞。謂宜還南所掠生口以慰安其意。肅宗從太僕袁安議許之。乃下詔曰。昔檢挾獯鬻之敵。中國其所由來尚矣。月曰檢挾。名曰重虜。秦曰匈奴。往者雖有和親之名。終無緣髮

之効境傭之人屢嬰塗炭境傭謂險要之地。塗。苦也。境。音昔。交反。傭。音苦。自天父戰於前。子死於後。弱女乘於停障。孤兒號於道路。老母寡妻。設虛祭飲。泣淚想望。歸魂於沙漠之表。豈不哀哉。父戰於前。已下。前書。賈捐之之辭。詔著損用之也。傳曰。江海所以能長百川者。以其下之也。老子曰。江海所以能為百谷王。以其善下也。少加屈下。尚何足病。況今與匈奴君臣分定。辭順約明。貢獻累至。豈宜違信。自受其曲。其勅度遠及領中郎將龐參。倍在南部所得生口。以還北虜。在賈捐之也。其南部斬首獲生計功。受賞如常科。於是南單于復令莫犍日逐王師子將輕騎數千出塞掩擊北虜。復斬獲十人。北虜衆以南部為漢所厚。又聞取降者歲數千人。章和元年。鮮卑入左地。擊北匈奴。大破之。斬優留單于取其匈奴皮而還。北庭大亂。屈蘭儲卑胡都須等五十八部。口二十萬。勝兵八千人。詣雲中五原朔方北地降。單于宣立三年薨。單于長之弟也。屠何立休蘭尸逐侯鞬單于也。屠何。章和二年立。時北虜大亂。加以飢蝗。降者前後而至。南單于將并北庭。會肅宗崩。實太后臨朝。其年七月。單于上言。臣累世蒙恩。不可勝數。孝章皇帝聖恩遠慮。遂欲見成就。故令烏桓鮮卑討北虜。斬單于首級。破壞其國。今所新降。虛渠等諸臣。自言去歲三月中。發虜庭北。單于創刈。南

兵又畏。可合鮮卑。今昔本遷逃遠去。依安侯河西。今年正月。骨都侯等復共立單于異母兄右賢王為單于。其人以兄弟爭立。並各離散。臣與諸王骨都侯及新降渠帥雜議方略。皆曰。宜及北虜分爭。出兵討伐。破北成南。并為一國。令漢家長無北念。又今月八日。新降右須日逐鮮堂。輕從虜庭遠來詣臣。言北虜諸部多欲內顧。但恥自發遣。故未有至者。若出兵奔擊。必有響應。今年不往。恐復并壹。臣伏念先父歸漢以來。被蒙覆載。嚴塞明候。大兵擁護。積四十年。臣等生長漢地。關口仰食。歲時賞賜。動輒億萬。雖垂拱安枕。慙無報効之義。願發國中及諸部故胡新降精兵。遣左谷蠡王師于左呼衍日逐王須訾。將萬騎出朔方。左賢王安國石大且渠王交勒蘇。將萬騎出居延期。十二月。同會虜地。臣將餘兵萬人屯五原朔方塞。以為拒守。臣素愚淺。又兵衆單少。不足以防內外。願遣執金吾耿秉度遠將軍。鄧鴻。及西河雲中五原朔方上郡太守。并力而北。令北地安定太守各屯要害。冀因聖帝威神。一舉平定。臣國成敗。要在今年。已勅諸部嚴兵馬。訖九月。龍祠。悉集河上。唯陛下裁哀省察。太后以示耿秉。秉上言。昔武帝殫極天下。使臣虜匈奴未遇天時。事遂無成。宣帝之世。會呼韓來降。故遣人獲安。中外為一。生人休息。六十餘年。及王莽篡位。變更其號。漢明單于印

光武受命復懷納之。緣邊壞郡得以還復。烏桓鮮卑咸會歸義。威鎮西夷。其効如此。今幸遭天授。北虜分爭。以夷伐夷。國家之利。宜可聽許。秉因自陳。思分當出命效。用太后從之。永元元年。以東為征西將軍。與車騎將軍竇憲率騎八千。與度遼兵及南單于東三萬騎出朔方。擊北虜大破之。北單于奔走。首虜二十餘萬人。事已具竇憲傳。二年春。鄧鴻遠大鴻臚。以定襄太守皇甫稜行度遼將軍。南單于復上求威北庭。於是遣左谷蠡王師子等將左右部八千騎出鵠鹿塞。塞在朔方郡。欲渾難北。夜會中郎將耿譚遠從事將護之。至涿邪山。乃留輜重分為二部。各引輕兵兩道襲之。左部北過西海至河雲北。河雲。匈奴中地名也。右部從匈奴河水西繞天山南度甘微河。二軍俱會夜圍北單于大營。率精兵千餘人合戰。單于被創墮馬復上。將輕騎數十遁走。僅而免脫。得其王璽。復閼氏及男女五。人斬首八千級。生虜數千口而還。是時南部連剋獲納降黨衆最盛。領戶三萬四千口。二十三萬七千三百。勝兵五萬一百七十。故從事中郎將置從事二人。耿譚以新降者多。上增從事十二人。三年北單于復為右校尉耿夔所破。逃亡不知所。其弟右谷蠡王於除鞬自立為單于。將右溫禺鞬。

王骨都侯已下衆數千人止蒲類海遣使款塞大將軍竇憲上書立於除韃為北單于朝廷從之四年遣耿种即授璽綬賜王劍四具羽蓋一明使中郎將任尚持節衛護屯伊吾如南單于故事方欲輔歸北庭會竇憲被誅五年於除韃自畔還北帝遣將兵長史王輔以千餘騎與任尚共追誘將還斬之破滅其衆單于屯屠何立六年薨單于宣弟安國立單于安國永元五年立安國初為左賢王而無稱塞左谷蠡王師子素勇黠多知前單于宣及屯屠何皆愛其氣決故數遣將兵出塞掩擊北庭還受賞賜天子亦加殊異是以國中盡敬師子而不附安國由是疾師子欲殺之其諸新降胡初在塞外數為師子所驅掠皆多怨之安國因是委計降者與同謀議安國既立為單于師子以次轉為左賢王覺單于與新降者有謀乃別居五原界單于每龍會議事師子輒稱病不往皇甫稜知之亦擁護不遣單于懷憤益甚六年春皇甫稜免以執金吾朱徽行度遠將軍時單于與中郎將杜崇不相平適上書告崇崇誼西河太守令斷單于章無由自聞而崇因與朱徽上言南單于安國疎遠故胡親近新降欲殺左賢王師子及左臺且渠劉利等又右都降者謀共迫脅安國起兵背畔請西河上郡安定高之徽備和帝下公卿議皆以為蠻夷反覆難測知然大兵聚

會必未敢動搖。今宜遣有方略使者之單于度與杜崇朱徽及西河太守并力觀其動靜。如無它變。可令崇等就安國會。其左右大臣責其部衆橫暴爲邊害者。共平罪誅。若不從命。令爲權時方略。事畢之後。裁行客賜。言以王客之禮裁量賜物不多與也。亦足以威示百蠻。帝從之。於是徽崇遂發兵造其庭。安國夜聞漢軍至。大驚。棄帳而去。因舉兵及將新降者欲誅師子。師子先知。乃悉將廬落入曼栢城。安國追到城下。門閉不得入。朱徽遣吏曉譬和之。安國不聽。城既不下。乃引兵屯五原。崇徽因發諸郡騎追赴之急。衆皆大恐。安國舅骨都侯喜爲等慮并被誅。乃格殺安國。安國立一年。單于適之子師子立。序獨戶逐侯靬單于。師子永元六年立。降胡五六百人。夜襲師子。安集掾王恬將衛護士與戰破之。於是新降胡遂相驚動。十五部二十餘萬人皆反。畔脅立前單于屯屠何子真。韓日逐王逢侯爲單于。遂殺畧吏人。燔燒郵亭廬帳。將車重向朔方。欲度漠北。於是遣行車騎將軍鄧鴻越騎校尉馮桂行度遠將軍朱徽將左右羽林北軍五校士及郡國積射緣邊兵。漢有逐射士。言逐逐而射之。積亦逐逐同。古字通也。烏桓校尉任尚將烏桓鮮卑合四萬人討之。時南單于及中郎將杜崇屯牧師城。逢侯將萬餘騎攻圍之。未下。冬。鄧鴻等至美稷。逢侯乃乘冰度